

Transkription von Stadtbucheintrag SWN 1456a

Ort, Datierung: Schwerin, 1456-11-19

Signatur: Stadtarchiv Schwerin, Ältestes Stadtverlaßbuch, Abt. 11, Nr. 11743, fol. 33b

Inhalt: Heyne Bugghyn: Schuldurkunde; Eggherd Kroger: Schuldurkunde; Ghereke Koberouw: Schuldurkunde; Dusyn: Schuldurkunde; Hinrik Trebbow: Schuldurkunde; Clawes Mathias: Verpfändung; Hans Kolling: Schuldurkunde; Diderick Winterueld: Schuldurkunde; Hermen Langhe: Schuldurkunde; Clawes Parleborch: Schuldurkunde

Bemerkung: 1456-1457

It(em) Heyne Bugghyn is schuldich den vorstender(e)n des sulue(n) su(n)te Joh(an)is ghilde / veefteyn mark dar schal he vor(e) gheue(n) alle Jar xvij s(chilling) vppe su(n)te Joh(an)is dach / dar settet he vor(e) syn hus myt syn(en) tobehori(n)ge in der ersten scrifft vnd(e) dat / to zegghe(n)t schal Heyne allene hebb(e)n een verndel Jares to vor(e)n sig(na)t(um) sabb(a)to / proxi(m)e prescripto / ¹

It(em) Eggherd Krog(er) is schuldich den vorstender(e)n des vorscr(euenen) ghildes tey(n) lub(esche) m(a)rk / dar schal he vor(e) gheue(n) alle Jar xij s(chillinge) vppe sunte Joh(an)is dach dar settet he en / vor(e) ene morghen ackers belege(n) a(m)me ghusewinkele sig(na)t(um) vt p(ro)x(im)^e supra / ²

It(em) Ghereke Koberouw is schuldich Krose veertich lub(esche) m(a)rk dar schal he em vor(e) gheue(n) / Alle Jar dre mark vppe sunte Michaelis dach dar settet he em vor(e) syn hûs myt syn(en) tobehori(n)ge ³ by der / Grouenn ? dar he i(n)ne wonet in der ersten scrifft sig(na)t(um) lvj^{te} ip(s)o die Elizabeth / ⁴

Ite(m) Dusyn is schuldich dem(e) Scroder ghilde ⁵ ampte veftich lub(esche) mark der schal he den vorsten/dere des sulues Amptes alle Jar vor ⁶ gheuen vor dre mark vppe pinxsten Dar settet he / Dem Ampte vor(e) tobewaringe syn hus myt syn(en) tobehori(n)ge in der ersten scrifft vnd(e) / dat Ampt schal to de[m] ⁷ nyn tozegge(n)t hebben to ? dem(e)ghelde men duseyn allene in dem / wedderlosinge Sig(na)tu(m) a(n)no vt p(ro)x(i)me sup(ra) in profesto barbar(e) / ⁸

It(em) Hinrik trebbow is schuldich peter Jacobes druttich lub(esche) mark dar schal he em vore / gheuen alle Jar iiij s(chilling) vnd(e) ij mark vppe su(n)te Michaelis dagh dar settet he em vore syn / hus mit syn(en) tobehoringe in der ersten scrifft vnd(e) peter schal nyn to zegge(n)t hebb(e)n men / trebbouw allene Sig(na)tu(m) anno quo supram die lucie / ⁹

It(em) Clawes Mathias hefft gesettet syn hus neghest vorscriften vnd(e) syn redeste gud / Marquard westfale De gheue(n) Hermen lange(n) vnd(e) He(n)ni(n)g la(n)ghen vor dat loffte / dat se vor em gelauet hebben Arnd schulten dochter vor xl m(a)rk vnd(e) ij pu(n)t / renthe dar vore Signat(um) Anno (it cetera) lvj^o ip(s)o Die Lucie / ¹⁰

It(em) Hans Kolling is schuldich Euermanschen twi(n)tich mark scho ¹¹ dar schal he er vor(e) / gheuen alle Jar achte vnd(e) twintich schilli(n)ge vppe su(n)te Michaelis dach dar settet he / er vor(e) tobewari(n)ge syn hus myt syn(en) tobehori(n)ge in der ersten scrifft vnd(e) Euer=/ma(n)sche d(e)¹²

schal nyn to zegge(n)t hebben to dem ghelde hebben so verne er de re(n)the / to dancke geue(n) werd
Men kolli(n)gk schal dat to zegge(n)t hebb(e)n Sig(na)t(um) vt p(ro)x(ime) sup(ra) /¹³

It(em) Diderick winterueld is schuldich Arnd Haken vns(es) Rades Ku(m)pan(e) Hundert / lub(esche)
mark Dar schal he em vor(e) gheuen alle Jar lub(esche) ¹⁴ Sōs lub(esche) mark vppe / su(n)te
Michael(is) dach Dar settet Dider(i)k Arnde vorscr(euen) vor(e) to bewaringe vnd(e) / vor ey(n)
vorvolget pand syn hus dar he ane wanet mit syn(en) tobehoringe¹⁵ ene brede landes aff / des sijd des
bischoppes molen vnd(e) ey(n) stucke a(m)me radelande in der ersten / scrifft hijr schal Arnd nyn to
zegge(n)t tohebb(e)n Men dider(i)k schal dat hebb(e)n / een veerndeel Jares to vor(e)n Sig(na)t(um)
Anno lvij^o in p(ro)festo N(a)ti(vi)t(atis) Marie / ¹⁶

It(em) Hermen langhe is schuldich Hinrik Swarten vefftich lub(esche) mark dar schal / he em vore
gheuen alle Jar dre mark to renthe vppe paschen Da To dessen / vefftich marken schal swarte offte syne
eruen nyn to segge(n)t hebb(e)n So verne / Hermen Swarten de dre mark wol to dancke vnd(e) to
tijden betalet Dar / settet hermen syn hus myt syn(en) vppe der ¹⁷ Nienstad myt syn(en) tobehori(n)ge
vor(e) to bewari(n)ge / in der ersten scrifft Sig(na)t(um) a(n)no (it cetera) lxij^o ip(s)o die lucie / ¹⁸

It(em) Clawes parleborch is schuldich Clawes gloden xx lub(esche) mark dar settet / he em vore twe
morge(n) Ackers ene a(m)me kabele(n)dale de ander(e) vppe ostorper / velde den Acker mach Clawes
Messen vnd(e) syne(n) Mesz vtbuwen vnd(e) dat to zegge(n)t / is eyn veerndel jares van beyd(er)
wege(n) to vor(e)n sig(na)t(um) vt p(ro)fe(sto) sup(ra) / ¹⁹

¹ 1456-02-20

² 1456-02-20

³ myt syn(en) tobehori(n)ge nachträglich am Rand eingefügt

⁴ gesamter Abschnitt im Original durchgestrichen, 1456-11-19

⁵ ghilde vermutlich gestrichen und über der Zeile durch ampte ersetzt

⁶ vor nachträglich über der zeile zwischen jar und gheuen eingefügt

⁷ eventuell auch den oder dem, unleserlich durch Streichung des gesamten Abschnitts

⁸ gesamter Abschnitt im Original gestrichen, 1456-12-04

⁹ 1456-12-13

¹⁰ 1456-12-13

¹¹ scho im Original vermutlich gestrichen

¹² d im Original vermutlich gestrichen

¹³ gesamter Abschnitt im Original durchgestrichen, 1456-12-13

¹⁴ lub(esche) im Original gestrichen

¹⁵ mit syn(en) tobehoringe nachträglich über der Zeile eingefügt

¹⁶ gesamter Abschnitt im Original durchgestrichen, 1457-09-08

¹⁷ myt syn(en) gestrichen und über der Zeile durch vppe der ersetzt

¹⁸ gesamter Abschnitt im Original durchgestrichen, 1457-12-13

